



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Venerabilis Patris Thomæ à Jesu ... Opera Omnia**

Homini Religioso Et Apostolico Tam Qvo Ad Vitæ Activæ, Qvam  
Contemplativæ functiones utilissima, Duobus Tomis Comprehensa. In  
Qvibvs Singlari Pietate, Varia Ervditione Clariori Et Breviori Stylo  
Continentvr Et Explicantvr ...

**Tomás <de Jesus>**

**Coloniæ Agrippinæ, 1684**

Capvt XI. Media ad augendam in nobis fidei virtutem.

**urn:nbn:de:hbz:466:1-38621**

## CAPVT XI.

*Media ad augendam in nobis fidei virtutem.*

Cum, ut in superioribus ostendimus, tot tantæque sint vivæ fidei excellentiæ ad Thefauros gratiarum in Deo absconditos eruendos. totus Christiani conatus quantum possibile est, eo tendere debet, ut in se perficiat, & adaugeat fidei virtutem: sicut enim Charitas, & Spes, cæteræque virtutes, continuo exercitio, aliisque mediis, quæ sacra Scriptura docet, augentur, ita de fidei virtute pariter dicendum est. Aliquot ergo fidei augendæ media proferemus.

Primum & præcipuum est, frequens & devota augmenti fidei efflagitatio, qua cum Apostolis Dominum nocte, & die instanter rogemus, *Dominè adauge nobis fidem*. I. si enim, quæ reliquarum portæ & radix est adaucta, cæteræ quoque virtutes eadem proportionem augebuntur.

Luc. 17.

Ser. 31. in  
Cant.

Adjumento magno erit oratio, nam cum per eam visitetur à Deo anima, & cælestis vini suavitatem inebrietur, ut quasi palpabiliter (si ita dici possit) in se Dei præsentiam experiat, ut S. Bernardus affirmat; ita per experimentalem illum & unitivum Dei quo inflammatur amorem, aliquando divinum lumen, eoque excrefcit, ut non jam credere, sed mysteria intueri sibi videatur.

Tertio vitæ sanctitas: sicut enim in speculo mundo clarius relucet, si lendor solis, ita in anima à passionum vitiis, & foridibus expurgata divinæ lucis radii lucidius resplendent: unde Christus Dominus præcipuum ad Dei visionem pertingendi medium posuit cordis puritatem: *Beati, qui inquit, mundo corde, quoniam ipsi Deum videbunt*: non enim, ut bene inquit Cassianus, à meditatione legum intelligentiam, sed de fructu operis acquirentes, cum psalmographo canunt, à mandatis tuis intellexi. Psal. 118. & exactis passionibus universis fiducialiter discunt, psallam, & intelligam in via immaculata.

Matt. 5.

Cass. 6. 9.  
Coll. 14.

Huc etiam conducit humilis & pia consideratio eorum, quæ in fidei confirmationem operatus est Dominus, quæ alia ac tanta sunt, ut, quem admodum ostendimus latius lib. 1. fidei nostræ mysteria efficiant evidenter credibilia.

Aliud magni momenti medium est, omnibus occasionibus occurrentibus, ut supra explicuimus, applicare exercitium fidei, ut sicut virtutes cæteræ charitatis exercitio perficimus: ita omnia opera ad fidei lucem, & infallibilis veritatis mensuram, & regulam reducamus: nam pauca admodum sese offerent, de quibus non reperiamus ex fide veritatem, sacrisque in literis doctrinam utilissimam, cum Apostolus dicat: *quæcunque enim scripta sunt, ad nostram doctrinam scripta sunt, ut per patientiam, & consolationem Scripturarum spem habeamus*.

Præcipuum autem acquirendæ vivæ fidei medium est, infallibilitatis ipsius, quæ essentialiter vero ac veracissimo divinæ veritatis testimonio nititur, attenta, & diligens ponderatio.

Ponderandæ autem divinæ veritatis certitudini multum subservit, sæpius occasionibus occurrentibus hæc, aut similia animo repetere, quod ista veritas sit infallibilis, quod nullo modo deficere possit, eam fundatam esse non testimonio viri improbi, aut Angeli, sed ipsiusmet Dei: omnes sancti Evangelii, aut sacre Scripturæ, aut quæ ab Ecclesia credendæ proponuntur veritates. Dei ore prolata, & à Spiritu sancto Ecclesiæ Christi revelatas.

Hinc magna concipitur erga scripturam sacram reverentia, & affectio, dogmatum fidei nostræ æstimatio, dum unumquodque eorum usque ad minimum sanctæ Scripturæ verbum tanquam de celo

descendens, & à DEO revelatum venerabundè amplectimur.

Denique, qui obtinere desiderat fidem vivam in gradu heroico, magno venerationis affectu, non solum ipsas res fidei, sed ipsi quoque annexas prosequi necesse habet, quales sunt sacre cærimonie aliæque S. Ecclesiæ ad cultum & reverentiam Dei, tum interiorem, tum exteriorē instituit: Biblia similiter sacra, Missale, Breviarium, in quibus fidei nostræ thesauri reconditi sunt, affectuoso religionis cultu suscipienda sunt, & gratissimi testimonio exosculanda.

Hoc probè intellexerat Sanctus ille, sacra Biblia genib. flexis legere, & reveri solitus: Alios, quæ Dei gratia, cognovi, qui licet apprimè essent eruditi, quibusque non deerant libri, & considerationes diversæ, solo tamen divinæ veritatis, & substantialis fidei nostræ, doctrinæque Christianæ cōpendio, brevissimo temporis spatio ad altissimum pervenerunt orationis gradum: quanquā nec alios libros rejiciamus, præsertim si ad excitandam fidei lacem ordinentur, ut in præcedentibus clarius diximus.

## CAPVT XII.

*Fructus exercitii vivæ fidei.*

Qui in spiritu vivæ fidei diligenter progreditur, magnos adferunt, & præclaros fructus. licet enim hanc solum perciperent utilitatem, quod in fine anni sese in virtute fidei reperirent solidiores, & in hora mortis adversus demonis tentationes firmos & constantes, plurimum sanè foret: sed præterea exercitium hoc charitatē mirabiliter augeat, nulla enim alia lux æquæ ad eam inflammandam efficacē esse potest, cum fides sola ejusdem cum illa ordinis, hierarchiæ, & virtutis sit supernaturalis.

Certitudo quoque fidei, ad quam continuo aspiciunt, incredibilis est: adeo ut illiterati aliqui, & idiotæ hac praxi exercitati, melius solidiusque symboli fidei intelligant, quā sapientissimi quoque, sola speculatione contenti, quorum fidem, literarum etiam mundus reprobaret, nequaquam tamen vel minimū labefactaret: tanta eis illuxit lux veritatis.

Ex qua nascitur etiam in iis profunda Scripturarum intelligentia; nam, ut inquit propheta illius: *nisi credideritis, non intelligetis*, igitur ad intelligendum, primò necessarium est credere, quantoque magis vivit fides, tanto etiam amplius excrefcit intelligentia, & divinorum mysteriorum penetratio, ut sequenti Capite latius dicemus.

Neque solum lucem hanc specialem hoc exercitio acquirunt servi Dei, sed insuper gaudio isto admirabili paulatim frui incipiunt, sive fidei fructu, quem Apostolus Romanis exoptans ait, *Deus autem spei repleat vos omni gaudio, & pacem credendo, ut abundetis in spe, & virtute Spiritus Sancti*.

Fides hæc sublimis, qua res divinæ tam mirabiliter penetrantur, alia plura secum ad vitæ spiritualis emolumenta, ut aliam Dei, rerumque divinarum, ac sacrorum verborum, quæ à Spiritu sancto prolata sunt, æstimationem, & ponderationem. Ac præcipue quod secundum fidei intentionem, & magnitudinem, major quoque vis, & pondus voluntati ad bene operandum incumbat, excellentiora quoque, majorisque meriti reliqua sunt virtutum opera: quod significare voluit Apostolus cum dixit: *Iustitia enim Dei in eo revelatur ex fide in fidem*, Id est, gratia & virtutes homines iustificantes, secundum fidei augmentum magis magisque adaugentur, & adauctæ manifestantur: quandoquidem ergo fidei exercitio cæterarum virtutum habitus augeantur, operæ pretium erit